

pitur ab alieno, lugente, ערל Sacerdote præputiato, &c. non approbantur. R. Simeon dicit: Approbantur.

Hieros. ubi ante: R. Lazar nomine R. Hanina dicit: Historia est ערל בכהן de Sacerdote præputiato, qui sanguinem sparsit ad altare, atque approbate fuerunt sparsiones ejus.

Gloss. in Zevachin: Sacerdos præputiatus est sacerdos, cujus fratres mortui sunt ex circumcissione.

Aruch ex Cholin: Israëlitæ præputiatus est, cujus fratres mortui sunt ex circumcissione: & tamen est Israëlitæ, quamvis præputiatus. Astricti enim non sunt Israëlitæ ad præcepta præstanda, ubi mors certò insequetur: Nam dicitur, leges, quas si observaverit homo, vivet in iis, non ut moriatur in iis.

Hinc si filius primus, secundus, tertius morerentur ex circumcissione, postea nati non circumcidebantur, sed semper erant præputiati, & tamen Israëlitæ quoad omnia, sacerdotes quoad omnia.

Hieros. Jevam. fol. 7.4. R. Nathan dicit: Profectus sum Casaream Cappadociae, eratque illic femina, quæ mares pepererat, qui mortui fuerant ex circumcissione, primus, secundus, tertius: quartum ad me adduxerunt: inspexique ego eum, & non vidi in eò sanguinem fœderis. Monuit, ut eum permitterent aliquantisper non circumcissum, & permiserunt, &c.

Dicas mihi jam Judæe, an circumcissio aliquid sit, præsertim an tanti sit, vel ad justificationem, vel ad sanctificationem, quanti tu eam æstimas? cum Israëlitæ potuerit esse verus Israëlitæ, Sacerdos verus Sacerdos, absque circumcissione.

II. Circumcissio nihil est ratione habitâ temporis, jam enim evanuerat, adimpleto præcipuè ejus fine, ob quem fuerat instituta. Istum finem exhibet Apostolus in verbis istis Rom. 4, II. Σφραγίδα τῆς δικαιοσύνης τῆς πίστεως τῆς ἐν ἀνεργουσία: At vereor, ne à plerisque versionibus non satis aptentur ad finem circumcissionis, & scopum Apostoli, dum ab iis interseritur aliquid de suo.

Gallica sic: *Sceau de la justice de foy laquelle il avoit durant le prepuce.*

Ital. *Segno della giustitia della fede laquale fu nella circoncisione.*

Syr. והתמא דכאנותא דהימנותא Et sigillum justitiæ fidei suæ.

Arab. *Justitiæ fidei כאן אלרי* quæ fuit in præputio.

Aliæ in eundem sensum, ac si circumcissio daretur Abrahamo in